

世界中學教學本

高級中學學用

高中國文注釋

編著者

杜天縻 韓楚原 沈伯經

世界書局印行

一部

【一命】命官等也。周制，任官自一

命至於九命。周禮：「一命受職。」

謂始命爲正吏也。天子之下士，列

國公侯伯之士，子男之大夫，皆一

命。

【一成】方十里爲成。

【一旅】五百人爲旅。

【一星】謂一女也。唐詩紀事：「崔

曙試明堂火珠詩曰：「夜來雙月

滿，曙後一星孤。」以是詩得名，明

年卒，惟一女名星，是其識也。」

【一溢】儀禮注：「二十兩曰溢。爲

米一升二十四分升之一。」

【一衿】謂考取秀才也。詩鄭風：「

青青子衿。」傳：「青衿，青領也，學

子之服。」

【一茶】日本俳人，生於信州一寒

村。終生保有農民素質，對於不正

不義，恆不假面目而攻擊。其人格

與俳句，完全一致。用語不嫌俚俗，

亦不假作風雅。俳句之外，著有勸

農詞，又終焉之記等。

【一斗穀】賊首綽號。

【一斛珠】唐梅妃爲太真（楊貴

妃）逼遷上陽，明皇於花萼樓念

之。會夷使貢珠，命封一斛賜妃。妃

謝以詩云：「柳葉雙眉久不描，殘

粧和淚汚紅綃；長門盡日無梳洗，

何必珍珠慰寂寥。」又類函引綠

珠本傳：「姓梁，白州博白縣人，生

雙角山下。石崇爲交趾採訪使，以

眞珠一斛買之。」

【一日之長】論語：「子曰：『以吾

一日長乎爾，毋吾以也。』」按長

本上聲，卽長幼之長；今或用爲長

短之長，猶言稍勝於彼也。

【一息尙存】論語泰伯篇朱子集

注：「一息尙存，此志不容少懈。」

謂尙有一線生氣也。

【一謙而四益】易謙卦：「天道虧

盈而益謙，地道變盈而流謙，鬼神

害盈而福謙，人道惡盈而好謙。」

【一劍曾當百萬師】三國志：「常

山趙子龍，手持一劍，當曹兵百萬軍中，左衝右突，如入無人之境。」

【一蛇兩頭反爲祥】春秋時，楚孫

叔敖嘗殺兩頭蛇埋之，歸，泣白其

母曰：『吾聞見兩頭蛇者死，我今

見之。』母曰：『蛇今安在？』曰：『

恐後人見，殺而埋之矣。』母曰：『

吾聞有陰德者，必有陽報，子不死

矣。』楚相虞丘進之楚莊王，爲相

三月，施教導民，吏無姦邪，盜賊不

起。

【一目之人可使視準】所以爲平

之器曰準。漢書：『繩直生準，準者，

所以揆平取正也。』按視準者恆

閉其一目，故云。

【丁傳】漢丁明，傳晏也。明，瑕丘人，

妹爲定陶共王姬，生哀帝。哀帝入

立，明封陽安侯，爲大司馬驃騎將

軍，輔政。晏，溫人，傅皇后父。哀帝卽

位，封晏爲孔鄉侯。明晏同日封，時

號丁傅。哀帝崩，王莽輔政，使有司

舉奏丁傅罪惡，詔免官爵，徙歸故

郡。

【丁寧】再三告語也。後漢書：『丁

寧再三留神於此。』

【丁憂】書：『王宅憂。』疏：『言王

居父憂。』後謂遭父母喪曰丁憂。

【丁逢】字端叔，宋晉陵人。舉進士。

上書乞斬烏林答天錫，孝宗嘉其

才氣可尙，召對。除國子監書庫官，

終寶謨閣待制。

【丁字簾】本地名。在江蘇江寧縣

利涉橋堍，明季爲妓女所居。今湮

沒已久。桃花扇傳奇：『桃根桃葉

無人問，丁字簾前是斷橋。』近人

或用作泛指妓女所居之地。

【丁啓睿】明永城人。萬曆進士。以

楊嗣昌之薦，代爲督師討賊，其人

本庸才，任重專制，莫知爲計。李自

成圍開封，督兵赴之，避賊入城。與

賊相望，未戰而潰。

【七耀】日月與金、木、水、火、土、五星

也。亦稱七緯。

【七經】後漢書注：『七經，謂詩、書、

禮、樂、易、春秋及論語也。』宋劉敞

七經小傳以尚書、毛詩、周禮、儀禮、禮記、公羊傳、論語爲七經。

【七十子】漢書注：『七十子，是孔子弟子也。實七十二人，指其成數言也。』孟子：『如七十子之服孔子也。』按史記：『孔子弟子，受業身通六藝者七十七人。』索隱引孔子家語亦七十七人；惟文翁孔廟圖作七十二人。

【七十說而不遇】謂孔子也。漢書補注：『孔子歷聘七十二君。』

【三世】一義爲佛家語，卽過去、未來、現在也。一義爲公羊家語，按春秋據哀錄隱，兼及昭、定，己與父時事，爲所見之世；文宣、成襄、王父時

事，謂之所聞之世；隱、桓、莊、閔、僖，曾祖高祖時事，謂之所傳聞之世。見公羊疏。一說所見世爲太平世，所聞世爲升平世，所傳聞世爲據亂世。

【三事】漢書補注：『三事，謂左氏春秋、古文尚書、逸禮也。不及毛詩者，以毛詩無先師也。』○墨子問話：『三事，疑當作三吏。』逸周書大匡篇云：『王乃召冢宰三老三吏。』孔晁注云：『三吏，三卿也。』左傳成三年：『晉侯使鞏朔獻齊捷于周，王使委于三吏。』杜注云：『三吏，三公也。』

【三五】謂三皇五帝也。史記孔子

世家：『今孔丘述三五之法，明周召之業。』爲令尹子西對楚昭王之辭。

【三仁】謂微子、箕子、比干。論語：『微子去之；箕子爲之奴；比干諫而死。』孔子曰：『殷有三仁焉。』

【三史】史記、漢書、後漢書也。

【三古】漢書注：『孟康曰：「易繫辭曰：『易之興也，其於中古乎？』然則伏羲爲上古，文王爲中古，孔子爲下古。』』

【三國】卽三國演義，爲章回體小說，演三國故事者。相傳爲明人羅貫中所作，然李義山（商隱）驕兒詩有『或謔張飛胡，或笑鄧』

「艾吃」之句；東坡集亦言「小兒薄劣，爲其家所厭苦，輒與數錢，令聚聽說古話，至說三國事，聞玄德敗則有出涕者，聞曹操敗則喜，」似唐、宋時俳優，已多演三國之事矣。

【三峽】在川、楚間大江中。一爲瞿塘峽，一爲巫峽，一爲西陵峽。三峽之中，長七百里，兩岸連山，絕無斷處。江水爲峽所束縛，灘多水急，舟行甚險。

【三徑】三輔決錄：「蔣詡舍中三徑，惟羊仲、求仲從之游。」御覽引嵇康高士傳：「蔣詡，字元卿，杜陵人。爲兖州刺史。王莽爲宰衡，詡奏

事到瀕上，稱病不進。歸杜陵，荆棘塞門，舍中三徑終身不出。時人諺曰：「楚國二壘，不如杜陵蔣翁。」陶潛歸去來辭：「三徑就荒，松菊猶存。」

【三哺】申時曰哺。三哺，申時將盡也。江、穀讓親表：「召必以三哺爲期，遣必以日出爲限。」

【三月】李筌曰：「役約三月，恐兵久而人疲也。」杜牧曰：「三月者，一時也。言修治器械，更其距闔，皆須經時精好成就，恐傷人之甚也。」張預曰：「三月者，約經時成也。或曰：「孫子戒心忿而亟攻之，故權言以三月成器械，三月起距堙，其

實不必三月也。」陳皞曰：「蓋言候器械全具，須三月，距闔又三月，已計六月，將若不待此而生忿速，必多殺士卒，故下云「將不勝其忿而蟻附之災也。」」

【三歸】論語八佾篇：「管氏有三歸。」其說甚多，大別凡四：（一）臺名。說苑：「管仲築三歸之臺，以自傷於民。」朱注從之，而毛奇齡則謂說苑「臺」字係「家」字之訛，見論語稽求篇。（二）地名。晏子春秋：「先君桓公有管仲，身老，賜之以三歸，澤及子孫。」（三）謂娶三姓女也。國策：「管仲取三歸之家。」婦人謂嫁曰歸，故曰三

歸。漢書食貨志：『在陪臣而取三歸。』（四）謂築臺之法。算術有

築臺三歸法，據金仁山說。

【三楚】古稱廣陵爲東楚；江陵爲南楚；彭城爲西楚，號三楚。

【三河】漢以河內、河南、河東三郡爲三河。

【三泖】湖名，亦稱泖湖，在江蘇松江縣西，金山縣西北。有上中下三泖：北爲上泖，亦名圓泖；中曰大泖；南曰下泖，亦名長泖，上承澱山湖，下流合黃浦入海。

【三物】周禮地官大司徒：『以鄉三物教萬民而賓興之。一曰六德：知、仁、聖、義、忠、和。二曰六行：孝、友、睦、

婣、任、恤。三曰六藝：禮、樂、射、御、書、數。』

【三省】論語學而：『曾子曰：「吾日三省吾身：爲人謀而不忠乎？與朋友交而不信乎？傳不習乎？」』

【三綱】白虎通：『君臣、父子、夫婦爲三綱，諸父、兄弟、族人，諸舅，師長，朋友爲六紀。』

【三聖】伏羲、文王、孔子。見漢書注。

【三藩】明降將吳三桂、耿精忠、尚可喜三人，清皆封爲王，各擁重兵。康熙時議撤之，吳三桂遂舉事於雲南，耿精忠尙之信附之。一信，

可喜子也。先後爲清所滅。

【三都】卽三都賦。晉左思（字太冲）作，十年乃成。三都者，劉備都益州，號蜀；孫權都建業，號吳；曹操都鄴，號魏是也。

【三餘】董遇言爲學當以三餘，謂冬者歲之餘，夜者日之餘，陰雨者晴之餘也。見三國志注。

【三巨公】卽下文所云三主持也。其一曰維他利司（Vitalis），一〇八二年卒。其二曰克利司，便那士（Crispinus），繼維他利司爲主持，至一一一四年卒。其三曰羅倫斯（Laurentius），約於一一五九年被選爲主持，一一七六年卒。

【三台山】在浙江杭縣西湖，志：『三台山三峯儼峙，中尊旁翼，圓秀

子

如畫。』

【三百篇】即今所傳之毛詩。按詩有三百十一篇，中六篇無辭，言三百者，舉大數也。

【三令五申】謂再三誥誡也。史記孫武傳：『約束既布，乃設鈇鉞，三令五申之。』

【三公九卿】三公：太師、太傅、太保也。一見尚書。九卿：少師、少傅、少保、冢宰、司徒、宗伯、司馬、司寇、司空也。此爲周之九卿。

【三日曲水】晉書：『昔周公城洛邑，因流水以泛酒，故逸詩曰：「羽觴隨波。」又秦昭王於三日置酒河曲，見金人捧水心之劍，曰：「令

君制有西夏。」乃霸諸侯。因此立爲曲水。二漢相緣，相爲盛集。』王羲之蘭亭集序：『清流激湍，映帶左右，引以爲流觴曲水。』即謂此也。

【三王四代】禮記集解：『夏、商、周爲三王，并虞爲四代。』

【三叛人名】左傳昭三十一年：『冬，邾黑肱以濫來奔，賤而書名，重地故也。』君子曰：名之不可不慎也，如是夫！有所有名，而不如其已，以地叛雖賤，必書地以名其人，終爲不義，弗可滅已！是故君子動則思禮，行則思義，不爲利回，不爲義疚，或求名而不得，或欲蓋而名彰，懲

不義也。齊豹爲衛司寇，守嗣大夫，作而不義，其書爲盜。邾庶其，莒牟夷，邾黑肱以土地出，求食而已，不求其名，賤而必書。此二物者，所以懲肆而去貪也。若艱難其身，以險危大人，而有名章徹，攻難之士，將奔走之；若竊邑叛君，以微大利而無名，貪冒之民，將置力焉。是以春秋書齊豹曰盜，三叛人名，以懲不義，數惡無禮，其善志也。故曰：春秋之稱，微而顯，婉而辨，上之人能使昭明，善人勸焉，淫人懼焉，是以君子貴之。』

【三揖百拜】禮記：『鄉飲酒之義，主人拜，迎賓於庠門之外，入三揖

而後至階，三讓而後升，所以致尊讓也。」又「壹獻之禮，賓主百拜，終日飲酒而不得醉焉。」

【三江五湖】三江：吳淞江、婁江、東江，皆太湖之支流。見吳地記。五湖：太湖之別名也。見張勃吳錄。

【三老五更】古天子設三老五更，以父兄之禮養之。三老五更皆老人，更知三德（正直、剛柔）五事（貌、言、視、聽、思）者。或曰：三老五更各一人，或曰：三老三人，五更五人。見禮記注疏。

【三老孝悌】漢書景帝詔曰：「置三老孝悌以道民焉。」按三老，鄉官主教化者，本秦制；漢初，鄉三老

外，並置縣三老。孝悌力田，爲漢時選舉之科目。惠帝紀：「舉民孝悌力田者復其身。」

【三后之純粹】后，君也；三后，謂禹、湯、文王也。至美曰純，齊同曰粹，此贊三后之德也。

【三載爲千秋】文選五臣注：「一日不見如三秋，此積數言之。」

【三月不知肉味】論語述而：「子在齊聞韶，三月不知肉味，曰：『不圖爲樂之至於斯也！』」

【三統服色之制】三統，謂三代之正朔也。夏正建寅爲人統，商正建丑爲地統，周正建子爲天統。服色：夏尚黑，殷尚白，周尚赤。見論語疏。

【三分天下有其二四句】見論語泰伯篇。注引春秋傳：「文王率商之叛國以事紂，蓋天下歸文王者六州——荆、梁、雍、豫、徐、揚、惟青、兗、冀尙屬紂耳。」

【上座】在最高之位，上更無人，是爲上座。後亦爲佛家語。

【上林】苑名，在今陝西西安縣及藍屋、鄠縣界。本秦舊苑，漢武帝更增廣之，周袤三百里，離宮七十所。

【上將】武官最尊顯之稱。三國志：「卻正論姜維曰：『姜伯約據上將之重。』」蓋姜維時爲大將軍也。此處指諸葛武侯。

【上虞】縣名。清屬紹興府，今浙江

上虞縣。

【上柱國】勳名。見宋史職官志。按

戰國時有上柱國之官。國策：『楚

之法，覆軍殺將者，官爲上柱國。』

其後北魏置柱國之官，北周增置

上柱國。隋唐至明，均以上柱國爲

勳爵之最尊者，而柱國次之。清代

始廢。

【上陽宮】唐高宗所建，在今河南

洛陽縣。

【上下同欲】梅堯臣曰：『心齊一

也。』

【上九潛龍勿用】周易乾卦爻辭。

【上蔡蒼鷹何足道】趙高誣李斯

子由通盜，二世將斯腰斬咸陽市。

臨刑，斯顧由歎曰：『吾儕猶欲牽

黃犬，臂蒼鷹，出上蔡東門，其可得

乎？』上蔡，秦縣名，今河南上蔡縣。

【上古結繩以治五句】見易繫辭

下，夫卦名，決也。

【下土】謂天下也。詩：『奄有下土。』

【下陳】文選注：『下陳，猶後列也。』

晏子曰：『有二女，願得入身於下

陳。』

【下劑致眚】致，猶會也。眚，音萌，民

也。變民言眚，異外內也。民雖受上

田，中田，下田，及會計之，則以下劑

爲率，謂可任者家二人。見周禮鄭

注。

【下學而上達】論語：『子曰：不怨

天，不尤人，下學而上達，知我者，其

天乎？』注：『下學人事，上知天命。』

【下杜人程邈】下杜城在陝西長

安縣南，故杜城西。邈嘗爲獄吏，得

罪幽繫雲陽，在獄增減大篆書，去

其繁複，爲新體，始皇善之，出爲御

史，名其書曰隸書，定爲八體之一。

【下襄陽向洛陽】襄陽，今湖北襄

陽縣，洛陽，今河南洛陽縣。按原註：

『余田園在東京。』又按顧註：『

杜甫先世爲襄陽人，祖依藝，爲鞏

令，父閑，爲奉天令，徙杜陵，田園尙

在洛陽。』

【丈人峯】泰山道里記：『絕頂西

里許，爲丈人峯，狀如老人偃僂。』

【不仁】 猶言不遂，謂手足病廢也。

【不然】 不然之變，猶言意外也。

【不穀】 四夷君長自稱之詞。禮：『

其在東夷、北狄、西戎、南蠻，雖大曰

子，於內自稱曰不穀。』左傳：楚子

常自稱不穀。

【不相中】 猶言不相得。

【不貳過】 見論語雍也篇。孔子稱

顏淵語，謂有過即改，無二次重蹈

之失也。

【不踰闕】 闕，門限也。言敬姜不踰

闕而出，季康子不踰闕而入也。傳

曰：『婦人送迎不出門，見兄弟不

踰闕，』是也。

【不諱嫌名】 嫌名，聲相近者。文見

禮記曲禮。

【不忤不求】 見詩衛風。忤，害也。求，

貪也。論語：『「不忤不求，何用不

臧？」子路終身誦之。子曰：「是道

也，何足以臧！」』

【不愧屋漏】 爾雅釋宮：『西北隅

謂之屋漏。』禮記中庸：『君子之

所不可及者，其唯人之所不見乎？

詩云：「相在爾室，尚不愧於屋漏。」

故君子不動而敬，不言而信。』

【不易乎世】 周易乾卦文言：『不

易乎世，不成乎名。』王弼注：『不

爲世俗所移易也。』

【不信天命之事】 魏氏春秋：『夏

侯惇謂王曰：『天下咸知漢祚已

盡，異代方起，今殿下爲天下所依

歸，應天順民，復何疑哉？』王曰：『

若天命在吾，吾爲周文王矣。』

【不學詩無以言】 見論語季氏篇。

孔子戒伯魚之辭也。

【不若則能避之】 杜牧曰：『言不

若者，勢力交援俱不如也。則須速

去之，不可遷延也。如敵人守我要

害，發我津梁，合圍於我，則欲去不

復得也。』

【不撫壯而棄穢兮】 年德盛曰壯。

穢，行之惡也；以喻讒邪。謂其君不

肯當年德盛壯之時，棄遠讒佞也。

【不量鑿而正柄兮】 宋玉九辯：『

圓枘而方鑿兮，吾固知其齟齬而

難入。』言臣不度君賢愚而竭其忠貞，固應獲罪也。按柄爲木端之入孔處，鑿其孔也。古本以圓柄方鑿爲不相入，後乃以柄鑿爲不相入之義。

【不納子糾爲內惡】穀梁傳莊九年：『夏，公伐齊，納糾。當可納而不納，齊變而後伐，故乾時之戰，不諱敗惡內也。』

【不知足而爲屨二句】見孟子告

子上。注云：『養，草器也。雖不知足

大小，作屨者猶不更作養。』下文云：『屨之相似，天下之足同也。』

【不知三軍之事三句】杜佑曰：『

治國尚禮義，兵貴於權詐，形勢各

異，教化不同，而君不知其變。軍國一政，以用治民，故軍士疑惑，不知所措。故兵經曰：『在國以信，在軍以詐』也。』

【不知三軍之權三句】張預曰：『

軍吏中有不知兵家權謀之人，而使同居將帥之任，則政令不一，而軍疑矣。』

【不弛勞而底豫二句】底豫，由不

樂而樂也。孟子：『舜盡事親之道，而瞽瞍底豫。』

【不韋遷蜀世傳呂覽】不韋，卽秦

呂不韋。爲陽翟之大賈，賈於趙時，秦莊襄王質趙，以不韋計得歸嗣位，不韋爲相，封文信侯。不韋嘗納

邯鄲姬，有娠，獻之莊襄王，生子政，卽始皇也。始皇時尊不韋爲仲父，通於太后，招致食客三千人，使客人人著所聞集論，以爲八覽、六論、十二紀，二十餘萬言，號曰呂氏春秋，亦稱呂覽。後因嫪毐事發，與家屬徙處蜀。不韋自度稍侵，恐誅，乃飲酖而死。按不韋集呂覽，在徙蜀以前，又其書非不韋自著，所引與上文不類。

【不可謂無馬者非馬也】俞樾云：

『「非馬也」當作「非馬邪」，「古」也，「邪」通用，此難者之辭。按俞說甚是，「也」字應作「邪」字讀。』

【不知彼而知己一勝一負】杜佑

曰：『雖不知敵之形勢，恃己能克之者，勝負各半。』

【世及】父子曰世，兄弟曰及，言父

傳位於子，無子則傳弟也。

【世祖】後漢光武帝，名秀。漢高祖

九世孫。王莽篡漢，盜賊蠭起，秀起

兵春陵，破莽軍於昆陽，旋即帝位，

定都洛陽。平銅馬諸賊，降赤眉，討

公孫述、隗囂等。天下大定，又留心

文學，重高節之士，內治亦盛。在位

二十三年。廟號世祖。

【世廟】謂明世宗也。名厚熹，憲宗

子興獻王祐杭之子，在位四十五

年。（1522—1566）

【世父太常公】伯父之嫡長者稱

世父。爾雅：『父之舅弟，先生爲世

父，後生爲叔父。』按魏校字子才，

號莊渠，奎子，弘治進士，授南京刑

部主事，歷遷郎中，召爲兵部侍郎，

移疾歸。嘉靖初起爲廣東提學副

使，官至太常寺卿，掌祭酒事，致仕

卒，諡恭簡。有周禮沿革傳、大學指

歸、六書精蘊、春秋經世、經世策、官

職會通、莊渠遺書。

【世並舉而好朋兮二句】王逸曰：

『予，我也。言世俗之人，皆行佞僞，

相與朋黨，並相薦舉，忠直之士，孤

榮特獨，何肯聽用我言而納之也？

』——見楚辭章句。而錢氏集傳，錢

氏屈詰，錢氏雖騷箋皆以予爲女

嫺，自謂言舉世皆好朋，汝何獨

而不聽予之言，以至於放逐？亦責

之之辭也。

【丘】孔子名。

【丘野】猶言鄙野，無智之人也。

【不豹】春秋晉不豹子夷吾殺不

豹，豹奔秦。見左傳僖十年，並史記

秦本紀。

部

【中州】卽河南省。夏時爲豫州之

域，居九州中央，故稱中州。

【中原】指黃河下游之地。

【中車府令】秦官名，主乘輿路車。

【中古文易經】漢書注：『師古曰：中者，天子之書也。書言中，以別於外耳。』

外耳。』

【中郎將往賓之】中郎將，秦官，漢

因之，領三署郎，位亞於將軍。相如

時爲中郎將，故云。賓，索隱引賈逵

云：『伏也。』又書堯典傳：『導也。』

按此義可並通。

部

【丹】卽燕太子丹。燕王喜之子，使

荆軻刺秦始皇不成，秦發兵擊燕，

燕王斬丹頭以獻。

【丹朱】唐堯之子，不肖，慢遊是好，

故堯禪位於舜。

【丹墀】宮殿階上地，以丹漆之，故

曰丹墀。張衡賦：『青鎖丹墀。』

【丹楹刻桷】左傳莊二十三年：『

秋，丹桓公之楹。』二十四年：『春，

刻其桷，皆非禮也。』按桷之方者

曰桷，一曰屋角斜枋也。丹楹，以丹

塗柱，刻桷，彫刻屋椽。

【主】韋昭注：『大夫稱主，妻亦如

之。』

【主妾覆醴二句】史記蘇秦傳：『

臣聞客有遠爲吏，而其妻私於人

者，其夫將來，其私者憂之。妻曰：『

勿憂，吾已作藥酒待之矣。』居三

日，其夫果至。妻使妾舉藥酒進之。

妾欲言酒之有藥，則恐其逐主母

也，欲勿言乎，則恐其殺主父也。於

是乎伴僮而棄酒。主父大怒，笞之

五十。故妾一僮而覆酒，上存主父，

下存主母，然而不免於笞，惡在乎

忠信之無罪也。』又見戰國策燕

策：『人有惡蘇秦於燕王。』章

部

【久暴師則國用不足五句】見孫

子作戰篇。

【之子】猶言此人也。詩：『之子于

歸。』

【乘堅策肥】堅，堅車；肥，肥馬。

【乘船夢日邊】宋書：『伊摯將應

湯命，夢乘船過日月之旁。』喻得

君而仕也。

乙部

【九二】周易本義：『二謂自下而

上第二爻也。』按陽爻自下而上

第二爻曰九二，陰爻曰六二，檢易

乾坤二卦自明。

【九天】謂中央八方也。補注引淮

南子：『中央鈞天，東方蒼天，東北

變天，北方玄天，西北幽天，西方昊

天，西南朱天，南方炎天，東南陽天，

又引廣雅九天：東方皞天，南方

赤天，西方成天，餘同。

【九峯】楊維禎華亭志：『華亭地

近海，多平原大川，其山之聯絡於

三泖者，十有三，名於海內者九。』

明一統志：『松江府稱澤國，以九

峯勝。』

【九州】古分天下爲九州，而制各

不同。禹貢九州爲夏制，爾雅九州

爲商制，周禮九州爲周制。此當指

周制九州，卽揚、荆、豫、青、兗、雍、幽、冀

并也。

【九江】一名潯陽江，卽今九江縣，

江西濱江要地也。

【九河】古時黃河，自孟津以北，分

爲九道。孟子：『禹疏九河。』書禹

貢：『九河既道。』九河：徒駭、太史、

馬頰、覆釜、胡蘇、簡、潔、鈞盤、鬲津。周

時齊桓公塞之，同爲一河。其故道

在河北舊河間、天津二府，山東舊

武定府等處。

【九泉】謂地下也。世說新語：『仲

文曰：雖不能休明一世，足以映徹

九泉。』按殷仲文答桓玄語。

【九流】儒、道、陰陽、法、名、墨、縱橫、雜、

農九家，詳見漢書藝文志。

【九淵】師古曰：『九旋之川，言至

深也。』莊子：『千金之珠，必在九

重之淵，而驪龍領下。』

【九族】白虎通以父族四，母族三，

妻族二爲九族。禮喪服小記鄭注

以本宗之高祖至玄孫間爲九族。

尙書注解及近世學者，多從後說。

【九韶】卽舜之韶樂。簫韶九成，故

曰九韶。史記五帝紀：『于是禹乃興九韶之樂，致異物，鳳皇來翔，天下明德，皆自虞帝始。』

【九野】九州之野也。後漢書馮衍傳：『疆理九野。』

【九鼎】夏禹收九牧之金，鑄九鼎，以象九州。

【九方堙】卽九方臯，春秋秦人。善相馬，爲伯樂所稱。九音求。

【九重天】漢書禮樂志：『九重開。』

注：『天有九重，言皆開門而來降厥福。』按楚辭：『君門兮九重。』

是指人君之所居。又『圖列九重，孰營度之？』卽指天而言。

【九合諸侯】其說有二：（一）九與

「鳩」糾通聚也。（二）史記謂九合者，兵車之會三，乘車之會六。穀梁傳云：『衣裳之會十有一。』注謂北杏、檀、賁、陽穀、首戴、寧母、葵丘之會各一，鄆、幽之會各二，不取北杏及陽穀爲九也。

【九品人物】漢書古今人物表，自聖人至愚人凡分九品。

【九棘外府】周禮秋官：『朝士掌建邦外朝之法，左九棘，孤卿大夫位焉。右九棘，公侯伯子男位焉。』按梁書蕭子恪傳：『子雲於中大，通元年轉太府卿，三年，出爲貞威將軍，臨川內史，在郡以和理稱。』外府，猶外廷也。

【九疑續其並迎】九疑，山名，舜葬處也。文穎曰：『九疑半在蒼梧，半在零陵。』按在今湖南寧遠縣南六十里。水經注：『九疑山，羅巖，九舉，各導一溪，岫壑負阻，異嶺同勢，遊者疑焉，故曰九疑。』續，盛貌。言，舜使九疑之神，紛然來迎也。

【乾化】五代梁太祖（朱溫）卽朱全忠，年號。梁末帝仍稱之。

【乾光】天光也。

【乾乾】自強不息之意。易乾卦：『九三：君子終日乾乾。』

【乾隆】清高宗年號（1736-1795）。

【乾綱絕紐】謂君權不振也。

【乾稱父坤稱母】易說卦：『乾，天

也，故稱乎父；坤，地也，故稱乎母。」

【亂】理也；所以發理詞指，總撮其

要也。凡作篇章，既成，撮其大要，以

爲亂辭，始於離騷。蓋屈原舒肆憤

懣，極意陳詞，或去，或留，文采紛華，

然後結括一言，以明所趨之意也。

論語：『關雎之亂。』朱子集注：『

亂，樂之卒章也。』

【亂流】橫流而渡曰亂流，言不順

理也。

【亂軍引勝】曹操曰：『引，奪也。』

杜牧曰：『言我軍疑惑，自致擾亂，

如引敵人使勝我也。』

【亂流趨正絕】爾雅：『水正絕流

曰亂。』亂流，水流不循恆蹊也。

部

【予之爲取】謂予之生，全取其死

難也。

【予欲觀古人之象】見虞書益稷

謨注：『欲觀示法象之服制。』

二部

【二世】名胡亥，秦始皇少子。始皇

崩，宦者趙高與丞相李斯陰謀，詐

爲始皇遺詔，立胡亥爲太子，賜長

子扶蘇死。胡亥襲位，爲二世皇帝。

趙高爲郎中令，用事。三年，高爲丞

相，關東盜起，二世讓高，高恐誅，乃

使其婿咸陽令閻樂弑之望夷宮。

【二儀】卽兩儀，謂陰陽也。

【二府】宋樞密院與中書省分掌

文武二柄，號爲二府。文事出中書，

武事出樞密。

【二氏】謂釋與道也。

【二王】晉王羲之、獻之父子，並以

書名，書家號稱二王。

【二老】指伯夷、太公。孟子：『伯夷

避紂，居北海之濱，聞文王作，興曰：

「盍歸乎來！吾聞西伯善養老者。」

太公避紂，居東海之濱，聞文王作，

興曰：「盍歸乎來！吾聞西伯善養

老者。」二老者，天下之大老也；而

歸之，是天下之父歸之也。天下之

父歸之，其子焉往。」

【二千石】漢時內自九卿郎將，外

至郡守尉，皆秩二千石。分爲三等：

一等月得百八十斛，二等月百五

十斛，三等月百二十斛。一說：分中

二千石、二千石及比二千石三等。

中二千石月百八十斛，二千石月

百二十斛，比二千石月百斛。

【二先生】即程顥、程頤也。見下「

二程子」條。

【二程子】程顥，見第一冊明道語；

錄作者傳略。弟頤，字正叔。年十八，

遊太學，胡瑗大驚異之。哲宗初，擢

崇政殿說書，每進講，色甚莊，繼以

諷諫。與蘇軾不合，出管西京國

子監。紹聖中，以元祐諸臣被貶。時

號伊川先生。卒諡正。著有易傳、春

秋傳、語錄、文集。

【二十八宿】宿音秀，列星也。古天

文學者分周天之星爲二十八宿，

四方各七宿，東方蒼龍之宿：角、亢、

氐、房、心、尾、箕；北方玄武之宿：斗、牛、

女、虛、危、室、壁；西方白虎之宿：奎、婁、

胃、昂、畢、觜；南方朱雀之宿：井、鬼、

柳、星、張、翼、轸。

【二十四史】清乾隆時所定正史。

明刊監版正史，以十七史合宋、遼、

金、元四史爲二十一史。自乾隆四

年明史既成，又詔增舊唐書、舊五

代史共爲二十四史。計

漢司馬遷史記，一百三十卷；

後漢班固漢書，一百二十卷；

宋范曄後漢書，一百二十卷；

晉陳壽三國志，六十五卷；

唐房玄齡晉書，一百三十卷；

梁沈約宋書，一百卷；

梁蕭子顯南齊書，五十九卷；

唐姚思廉梁書，五十六卷；

唐姚思廉陳書，三十六卷；

北齊魏收後魏書，一百十四卷；

唐李百藥北齊書，五十卷；

唐令狐德棻周書，五十卷；

唐魏徵隋書，八十五卷；

唐李延壽南史，八十卷；

唐李延壽北史，一百卷；

後晉劉昫舊唐書，二百卷；